

前言

因應十二年國教強調素養導向教學所需，期盼本土語文能透過情境化、脈絡化的學習過程，提升學生本土語文的素養與學習興趣，並能在日常生活中整合活用。

本書提供數則連環情境圖片，各圖附上圖說之參考範例，同時模擬參賽時評審提問，提供問答參考。

手機掃描 QR CODE，便可立即下載音檔，透過反覆聆聽，學習正確發音。



情境式演說範例音檔




目錄

練習 ①	2	練習 ⑥	12
練習 ②	4	練習 ⑦	14
練習 ③	6	練習 ⑧	16
練習 ④	8	練習 ⑨	18
練習 ⑤	10	練習 ⑩	20

情境式演說 練習 1

請共下面這四格的圖，照順序組成完整的描述。

（會當盡量發揮，毋過四張圖攞愛講有著。）



參考範例

- ① 阿龍、阿華、阿芳佢阿月是好朋友，歇暎日相招去溪仔邊迤迤。
- ② 天氣真熱，阿龍佢阿華看溪水涼涼，共衫褪掉，就想欲跳入去溪仔內底泅水。
- ③ 阿芳佢阿月看著，趕緊共阻擋，講：「恁看，遮有『禁止泅水』的牌仔，毋通佇遮耍水，會有危險啦！」
- ④ 阿芳佢阿月繼落去講：「恁若是想欲耍水，咱來去游泳池，佇遐猶有救生員，較安全啦！」阿龍佢阿華雖然真失望，毋過猶是乖乖聽個兩個人的話。

評判提問

- ① 是按怎阿芳佢阿月欲阻擋阿龍佢阿華兩個人，跳入去溪仔內底泅水？

參考答案 因為溪仔邊有「禁止泅水」的牌仔，而且遐無救生員，若是無拄好發生意外，會真危險。



- ② 你敢會曉泅水？

參考答案 我袂曉泅水。毋過，我真欣羨會曉泅水的人，看個佇水裡親像魚仔仝款泅來泅去，真心適的款。明年我想欲趁歇熱的時，叫阿爸教我泅水，等我若學會曉泅水了後，就會當享受彼種輕鬆快樂的感覺矣。

情境式演說 練習 2

請共下面這四格的圖，照順序組成完整的描述。

（會當盡量發揮，毋過四張圖攞愛講有著。）



4

參考範例

- ① 歇睏日，阿明佢阿爸去郊外的牧場騎鐵馬。阿明共阿爸講：「咱來比賽，看啥人騎較緊。」
- ② 個愈騎愈緊，一目瞞仔就騎對牧場的內底去。遐有牛母咧食草，古錐的囡仔手裡提青草咧飼牛。阿爸對阿明講：「咱歇睏一下，等咧才繼續比賽。」阿明就佢阿爸佇樹仔跤開講歇涼。
- ③ 無佬久，阿明代先上車，拚性命騎，煞毋知騎對佗位去。伊翻頭嘛看無阿爸，規個人煞緊張起來。
- ④ 這個時陣，看著阿爸牽鐵馬按對面行過來。阿爸講：「你喔，騎車若三太子咧，倒頭行嘛毋知。」爸仔囡就坐佇牧場的草埔淋涼的，享受這個特別的歇睏日。

評判提問

- ① 你有去過牧場無？遐有啥物？

參考答案 我有去過牧場。牧場內有牛，有羊，有豬仔，有足濟古錐的小動物。佇牧場內底，閣有真濟好耍的活動，親像飼牛仔囡咁牛奶、飼羊仔食草、看豬仔走相逐，誠趣味。耍忝矣，猶閣有上鮮的牛奶好咁，嘛有又閣芳又閣純的牛奶冰淇淋好食，實在足好耍的。

- ② 講看覓，歇睏日你會佢厝內的人去佗位？進行啥物活動？

參考答案 歇睏日，我定定會共阿爸、阿母去跔山。跔山的過程中雖然辛苦，有當時仔跤痠手軟，大氣強欲喘袂離，毋過只要沓沓仔行，跔步踏予在，堅持毋放棄，總是會跔到山頂。對山頂看對山跤去，風景真嬌真迷人，心情嘛綴咧輕鬆開闊矣。

情境式演說 練習 ③

請共下面這四格的圖，照順序組成完整的描述。

（會當盡量發揮，毋過四張圖攞愛講有著。）



6

參考範例

- ① 我佢阿兄佇客廳開講，阮講著今仔日佇學校發生的一寡仔代誌。
- ② 我講：「阮老師今仔日有講，這馬汙染真嚴重，地球的資源嘛愈來愈少，咱著愛認真做環保，資源再生，減少浪費，譬論講：飲料咁完空罐仔愛紮手回收、飯菜若食袂完會使提去做肥料。」
- ③ 我佢阿兄就隨來清厝內，三兩下手，阮就共銅管仔、塑膠罐仔分甲清清楚楚，歹去的燈管嘛集中做伙，提去回收。
- ④ 閣共冰箱內底無欲食的菜尾摒出來，客廳、食飯廳嘛欸甲清氣啖啖。只要佇咱生活中較張持咧，共環保當做一種習慣，逐家就會當享受四序的環境。

評判提問

- ① 你敢知影糞埤有佗幾種分類？

參考答案 我知影糞埤有分「一般糞埤類、資源回收類佢潘」三種。其中，紙類、銅罐仔、玻璃斫仔、塑膠類、電池、光碟、舊衫回收、大型家具遮的，攞是屬於資源回收類。

- ② 為著保護環境，你會按怎做？

參考答案 為著保護環境，我會紮手關電火、節約用水，確實做好資源回收。而且，綴厝裡的人出去買物件的時，阮會家己紮環保袋仔，猶閣有，養成家己紮茶罐仔、碗箸的習慣，減少免洗餐具的使用。

情境式演說 練習 4

請共下面這四格的圖，照順序組成完整的描述。

（會當盡量發揮，毋過四張圖攞愛講有著。）



參考範例

- ① 暗時食飯飽，個規家伙仔坐佇客廳開講、看電視。這個時陣聽著糞埤車的音樂聲。
- ② 阿母就叫阿華佢阿玲兩兄妹仔去摒糞埤，阿華揸兩包糞埤，阿玲揸一包欲回收的物件，毋過，兩個囡仔攏毋情毋願，無想欲去摒糞埤。
- ③ 阿公看個按呢，就共個講：「以早阿公、阿媽日時愛去田裡作田，無閒通顧恁阿爸、阿姑遮的囡仔，恁阿爸、阿姑細漢的時，毋但會鬥摒厝內，閣會鬥煮小弟、小妹，嘛會煮飯等阿公、阿媽作穡了轉來食飯，萬項代誌個攏家己來，攏毋免人叫。」
- ④ 阿爸繼咧講：「恁阿母日時嘛愛做工課，轉來厝裡閣愛無閒煮飯予逐家食，嘛誠無閒，恁兩個囡仔若是會當鬥做一寡仔厝裡的工課，阿爸、阿母攏會真歡喜。」

評判提問

- ① 講看覓，你佇厝裡會鬥做啥物工課？
參考答案 我佇厝裡會鬥排碗箸，食飯飽嘛會鬥收碗箸。平常時佢阿姊輪流摒糞埤，若聽著糞埤車來的音樂，就會共摒好的糞埤揸去樓跤擲。
- ② 你感覺按怎做會當減輕父母的負擔，個嘛會真歡喜？
參考答案 莫等到爸母個叫，家己自動自發，轉到厝就先共功課寫好、身軀洗好。食飯飽鬥收碗箸、拭桌仔。佇厝裡佢兄弟姊妹互相照顧，莫冤家，惹爸母受氣。

情境式演說 練習 5

請共下面這四格的圖，照順序組成完整的描述。

（會當盡量發揮，毋過四張圖攞愛講有著。）



參考範例

- ① 公園的路頭，有一个青盲的老人，逐家攞叫伊邱阿舍。聽人講邱阿舍少年的時陣，厝內是真正好額。伊食清領便，規工四界趁，食老煞無依無倚，閣致著糖尿病引起目睷的症頭，人生就烏有去矣。
- ② 伊這馬逐工坐佇公園的路頭，插一枝牌仔，頂懸寫：「我是青盲，請分我錢。」欲來共人分錢。毋過，庄仔內的人，因為知影伊的過去，攞無人欲分錢予伊。
- ③ 彼工，一个查某因仔行過邱阿舍的牌仔，提筆共加寫這幾逝字：「雖然我看袂著，毋過，我相信恁的世界逐工攞真美麗。」
- ④ 後來，村民去公園散步的時，攞會捐一寡仔零星予邱阿舍，這無定著是文字的力量，嘛是臺灣上特別的風景。

評判提問

- ① 若是你佇路裡拄著邱阿舍，你敢會捐錢予伊？是按怎咧？

參考答案 若是我佇路裡拄著邱阿舍，我袂捐錢予伊，因為我猶閣袂曉趁錢，阿爸、阿母趁錢真辛苦，我應該愛共錢好好仔儉起來。毋過，有當時仔佇路裡看著親像邱阿舍的彼種人，心肝內嘛會感覺毋甘，顛倒會予我想欲好好仔讀冊，大漢了後，成做一个有路用的人，就會使幫助有需要幫助的人矣。




- ② 講看覓，假使請你替邱阿舍佇牌仔頂懸寫字，你會按怎寫？

參考答案 假使我欲替邱阿舍佇牌仔頂懸寫字，我會寫「我的目睷看袂著這個美麗的世界，請恁共我鬥相共。」

情境式演說 練習 ⑥

請共下面這四格的圖，照順序組成完整的描述。

（會當盡量發揮，毋過四張圖攞愛講有著。）



參考範例

- ① 狗蟻上骨力，個趁天氣好的時，就會緊出去搵食的物件，開始囤食物。
- ② 這工逐家閣出去搵物件矣！狗蟻阿華佢阿忠，做伙搬大塊的餅幼仔；阿龍氣力大，家己搬一粒糖仔；阿芳較無力，一塊餅拖甲大粒汗細粒汗。
- ③ 相連繼落幾若工的大雨矣，逐家攞無法度出去搵食的。
- ④ 毋過，狗蟻個一點仔都袂煩惱，顛倒趁這個機會歇睏，佇厝裡歡歡喜喜唱歌、跳舞。因為進前就已經囤真濟食物，就算落遮爾濟工的雨，嘛免驚無物件通食。人講「好天著存雨來糧」，真正是一點仔都無毋著。

評判提問

- ① 是按怎落連繼幾若工的大雨，狗蟻個攞袂煩惱無物件通食？
參考答案 因為狗蟻個趁進前好天的時，就有出去搵食的物件、囤足濟食物矣。所以就算是拄著連繼幾若工的大雨，個猶是毋免驚無物件通食。
- ② 請解說「好天著存雨來糧」的意思。
參考答案 形容代誌猶未發生進前，先做好準備，等到代誌發生的時，就毋免驚。比論講平常時仔，咱就會使共風颱、地動的防災包攞予好，親像罐頭、泡麵、糖仔餅、手電仔遮的，先攞予好，等到災害發生有需要的時，就有通用，這就是「好天著存雨來糧」的意思。

情境式演說 練習 7

請共下面這四格的圖，照順序組成完整的描述。

（會當盡量發揮，毋過四張圖攞愛講有著。）

1



2



3



4



參考範例

- ① 這工是阿弟仔的生日，伊請真濟朋友來個兜慶祝。約定的時間到矣，逐家攞來矣，每一个朋友嘛有攢禮物欲送予阿弟仔。
- ② 阿母恰阿弟仔進前就已經共雞卵糕先做好矣，嘛攢真濟點心欲請朋友食。逐家看著遮濟點心，攞真歡喜。人攞到了後，先替阿弟仔唱生日快樂的歌。
- ③ 歌唱煞，逐家做伙食雞卵糕恰點心，那食那開講，實在真歡喜。阿母驚逐家食無夠氣，閣一直提物件出來，逐家攞食甲飽嘟嘟。
- ④ 尾仔，逐家欲轉去的時，阿弟仔嘛有準備伴手予每一个朋友，真正是「有食閣有掠」。

評判提問

- ① 請解說「有食閣有掠」的意思。

參考答案 形容一件好代誌猶閣有其他好空的。親像逐家去阿弟仔個兜慶祝生日，逐家食真濟點心，耍了蓋歡喜，尾仔閣收著阿弟仔準備予逐家的伴手，就會當講是「有食閣有掠」。




- ② 講看覓你的生日願望。

參考答案 第一，希望我厝內的人、我的朋友，逐家攞身體健康。第二，希望這擺的演說比賽得著好成績。第三，人攞講第三个願望愛園佇心肝內，講出來就袂實現矣。

情境式演說 練習 8

請共下面這四格的圖，照順序組成完整的描述。

（會當盡量發揮，毋過四張圖攞愛講有著。）



參考範例

- ① 阿華看阿公穿甲真繫，閣歡頭喜面欲出門，伊感覺真奇怪。
- ② 阿華就偷偷仔綴佇阿公的後壁，看伊是欲去佗位。結果看著阿公半路仔拄著一个老阿媽，兩人那行那開講，看著袂輸真歡喜。
- ③ 阿華就沿路綴個行，尾仔來到社區大學，看著個做伙咧學電腦。阿公雄雄看著阿華佇教室外口，煞驚一趔。
- ④ 阿公下課了後，阿華感覺誠歹勢，阿公共阿華講：「咱若欲綴會著時代，著愛『食一歲，學一歲』。」

評判提問

- ① 你感覺阿華個阿公「食一歲，學一歲」的精神啥款？

參考答案 我感覺伊真了不起，雖然伊已經濟歲矣，毋過猶是保持好奇，對新的事物充滿興趣。我勉勵家己等食甲像伊遐濟歲的時，嘛會當像伊仝款，有這種「食一歲，學一歲」的精神。

- ② 請解說「食一歲，學一歲」的意思。

參考答案 意思是講，咱人的智慧愛綴年歲來增加，加一歲了後，閣較愛綴時代進步，繼續學習新的知識，活到老，學到老。親像阿華個阿公去社區大學學電腦，學會曉新的科技能力，才綴會著時代。

情境式演說 練習 9

請共下面這四格的圖，照順序組成完整的描述。

（會當盡量發揮，毋過四張圖攞愛講有著。）

1





2



3



4



參考範例

- ① 五日節彼工，我佢阿母做伙去菜市仔，佇菜市仔看著人共艾、榕仔枝佢香茅縛做一把一把咧賣。阿母講：「咱嘛來買一把」。
- ② 轉來了後，阿爸隨共艾插跔門框，講這叫做「插艾較勇健」，古早人講按呢會當予身體健康，嘛會當辟邪。我佢阿兄攞感覺真趣味，原來五日節猶閣有這個風俗。
- ③ 我佢阿兄跔客廳食肉粽，閣看電視的扒龍船比賽，阿兄看甲足激動的，一直替電視內底比賽的隊伍喝「加油！」
- ④ 中晝十二點，阿兄招我做伙倚卵，我一直崠袂好勢。過無佬久，阿兄誠實共一粒卵崠起來，有夠厲害。

評判提問

- ① 你敢知影五日節有啥物活動？

參考答案 除了插艾、縛肉粽、食肉粽、扒龍船比賽佢倚卵以外，阮兜猶閣會掛香芳、洗午時水，聽講遮的風俗攞會當辟邪，予咱身體健康。

- ② 你敢捌倚卵？你感覺啥款？

參考答案 今年我有佢阿兄做伙倚卵，阮比賽看啥人先共卵崠起來，雖然最後是阿兄贏矣，毋過我感覺真好耍。一開始我傷過趕緊，按怎崠就是崠袂起來，上尾仔我共心靜落來，才成功共卵崠起來。明年我閣欲招阿兄同齊比賽。

情境式演說 練習10

請共下面這四格的圖，照順序組成完整的描述。

（會當盡量發揮，毋過四張圖攞愛講有著。）

1



2



3



4

